

DE CHRISTI
MONOGRAMMATE CONSTANTINIANO

DISQUISITIO

Auspiciis Em̃i & Rm̃i S.R.E. Cardinalis

ALEXANDRI ALBANI

HABENDA IN COLLEGIO ROMANO

A P. PHILIPPO ERHART

Ordinis Sanctissimi Salvatoris, vulgo Sanctæ Birgittæ
in Altomünster Superioris Bavariz Cœnobio Professo

ECCLESIASTICÆ HISTORIÆ AUDITORE

Facta cuiuslibet post secundum arguendi potestate



ROMÆ MDCCLXXVI.
EX TYPOGRAPHIA GENEROSI SALOMONI

SUPERIORUM PERMISSU.

(III)

Eminentissimo, & Reverendissimo Principi

ALEXANDRO

S. R. E. CARDINALI

ALBANO

PHILIPPUS ERHART ORD. SS. SALVATORIS
FELICITATEM



QUI in hanc Urbem omnium principem;
longo viarum terrarumque intervallo,
studiorum causa profecti sumus, EMINENTISSIME PRIN-
CEPS, hoc nimirum volumus; non ut Romæ novam
veluti faciem, recentemque ædium magnificentiam,
Templorum splendorem, viarum laxitatem, populi
fre-

frequentiam, fora, porticus, fontes, ornamenta cetera intueamur, sed disiectas priscæ Romanorum majestatis reliquias, semisepulta rudera, parietinas, vestigia denique veteris Urbis, quæ partim longinquitati temporum, partim barbararum gentium insultibus superfuerunt, non oculis modo contemplerur, sed peritum nacti interpretem aliquem, cognitione nostra & intelligentia comprehendamus. Sunt enim ad historiam sive Ecclesiasticam, sive civilem penitus hauriendam, doctorum hominum judicio, perneccessaria subsidia. Hanc ego habui itineris hujus mei causam: hæc, non tam mea, quam illorum quibus me regendum commisi, voluntas, ex Germania excivit: hujus fructûs colligendi spes in hanc me Urbem perduxit. Sed posteaquam feliciter omnino contigit, ut Te, EMINENTISSIME PRINCEPS, viderem, dignarerque a Te (pro ea qua religiosam familiam nostram per quinquaginta jam, & amplius annos Protector munificentissimus, benevolentia complecteris) colloquio & congressu Tuo; sensi, vetustius illud usurpandum esse mihi quoque; ut Romæ aliquid extra Romam quærerem; Te nimirum, & Tua: quibus nihil magis ad absolutam perfectamque veterum Romanarum rerum cognitionem assequendam valeret. Quæ ego vidi in suburbano illo Tuo signa, anaglypha, lapides, columnas, inscriptiones, areas marmoreasque tabulas, vetera cujuslibet generis monumenta, Græca, Romana, Etrusca, barbararum gentium, alia ab interitu a qua prope aberant, vindicata, alia pristinæ luci & integritati restituta! Qua te doctrina, & eruditione illa edifferentem, repetentem-

que

que ex ultima antiquitate historicas, mythicasque explanationes audiui ! ut tunc denique verum esse intelligerem Catonis illud, quod Tullius perhibet ; Summorum virorum non tam negotii quam otii rationem extare : nullum etiam ad illa cognoscenda interpretem adeundum esse, præter Te ipsum, a quo in historiam omnem fructus mihi uberrimus & maximus redundaret. Nunc ergo, postquam in Historiæ Ecclesiasticæ studio Te potissimum iubente, tres ipsos annos posui, profectus & industriæ meæ specimen aliquod editurus ; non putavi, disquisitionis ac concertationis hujus meæ Præsidem, & quasi Agonotheam quærendum, nisi illum, a quo mihi aditus omnis ad historiam, & Romanas, Græcasque antiquitates patuisset : præsertim cum in eo argumento verfer, in quo earum maxime cognitio valeat necesse est. Sum enim de Christi monogrammate disceptaturus, qualem a Constantino visum, deinde labaro, idest Romano vexillo, scutis, galeæ impositum insculptumque est. Vellem, demonstrare ipse exemplo meo possem, quantum ad hujusmodi rerum cognitionem juvet supellex & disciplina Tua. Sed quodcumque tandem res evasura sit (sentio enim ingenii mei vires quam sint exiguæ), hoc tamen consequar, ut testimonium a me extet, debitum illud quidem, sed a volente lubenteque perhibitum ; quod præstari a te posset, ad me erudiendum informandumque, totum id esse collatum : quod quidem meritis in meos, & Religiosum Ordinem universum quem profiteor, cumulus veluti quidam accedet. Sunt enim multa Tibi in nominibus quibus exsolvendis nunquam sit ille par futurus.

rus. Et primò quidem, cum pertineant ad Te, virtutis & benevolentiae quasi legitimum hæredem, magni Patruī Tui in nos merita; multum est quod illi, ejusque in nos largitati & clementiae debeamus; quod evocatis e Bavaria nostrorum aliquot, domum S. Matris nostrae Birgittæ contubernio & morte consecratam, inhabitandam assignavit, ut familiæ nostræ Romæ veluti parens, auctorque jure meritoque habeatur. Deinde quantum Tibi ipsi debemus, quod hoc eodem in loco sexaginta jam annos, protegente Te, familia nostra libere secureque conquiescit; quod Monasterium ipsum in Germania meum ornamenta adeptum est opera Tua præclarissima & maxima: quod faciles ad te aditus omnes nostri, nec unquam interclusos inveniunt; quod nullo non tempore præsentissimum rebus suis auxilium, levamen, præsidiumque experiuntur? Hæc cum tibi coram affirmare & testari omnibus possim, gaudeo equidem, atque exulto EMINENTISSIME PRINCEPS: & si nullum præterea fructum peregrinationis meæ consecuturus sum; bene collocata viæ incommoda, bene obitas itineris molestias, & laborum dispendia arbitrabor.

DE CHRISTI


MONOGRAMMATE CONSTANTINIANO

T H E S E S

1. **C**onstantino bellis occupato acies cœlestium visæ sunt ; ad eum adjuvandum accurrentes ; quod ab Ethnicis Scriptoribus traditum non est cur negemus .
2. Visum hoc oblatum est Constantino cum in Gallia esset .
3. Distinguendum autem ab eo quod de Cruce seu Christi monogrammate narratur .
4. Visum hoc alterum oblatum est Constantino , cum bello adversum Maxentium occuparetur , in locis Romæ proximis .
5. Aliud vero vigilanti , aliud dormienti factum est .
6. Utrumque distinguendum ; & est verum utrumque .
7. Visa autem in his Crux est , & Christi monogramma .
8. Duo hæc distinguenda non sunt , sed Crux erat monogrammati inserta , seu ipsum monogramma .
9. Adjectæ litteræ erant , quæ victoriam pollicebantur , si eo signo usus in militari instrumento esset .
10. Litteras fuisse Latinas non Græcas , probabilius esse existimamus ;
11. Atque hanc sententiam *Hoc signo victor eris* .
12. Ex Actis Artemii Martyris confirmari hoc merito potest , quæ hac in parte sincera sunt .
13. Non est hoc quod Constantinus vidit ad causas naturales referendum , nec phænomenon ex genere halonum foliarium ; ut Fabricius , Schmidius , Walchius contendunt .
14. Sed mira omnino res & divinitus facta .
15. Quod Constantinus vidit , hoc in labaro , scutis , galea expressum voluit .
16. Labarum sic recenti nomine dictum , re Constantino fuit antiquius : utrum vero origine Romanum , an Barbarum , ut Ducangius existimat , nobis non constat .

(VIII)

17. Labaro addidit Constantinus Christi monogramma .
18. Constantinianum monogramma aliud est a vulgari , quod constat litteris Grecis X P situ hoc recto positis , simulque innexis .
19. Constat autem littera X transverse posita , cujus latus modice est inflexum , ut efficiat litteram alteram P .
20. Vulgatum , multo est Constantino antiquius , significationibus tamen aliis .
21. Ad Christum significandum adhibitum est etiam ante Constantinum .
22. Nostrium hoc monogramma, quod Christum significaret, ante Constantinum usitatum demonstrari vix potest .
23. Nihil huc faciunt Ægyptiaca monumenta aut alia quorumcumque populorum .
24. Nec tamen negamus vulgare monogramma , Constantiniano & sequentibus sæculis , usitatum fuisse , atque a Constantino ipso usurpatum .





D E

MONOGRAMMATE CHRISTI CONSTANTINIANO

DISQUISITIO



MIRATUS sæpe sum, viros prudentes & doctos; cum maxime laborant ut perspicui sint, tunc fieri obscurissimos; & quam rem se ita explicasse putarant, ut a quovis intelligi nullo negotio posset; eam incurrere in magnas virorum intelligentium disceptationes atque dissidia. Quod in Eusebio Constantinianum Christi monogramma describente contigit. Nullibi fortasse ille, aut plurium apparatu verborum, aut majori orationis ubertate rem aperire conatus est; sed nullo alio in loco mihi quidem videtur ita versatus, ut quid sibi velit, dubitari etiamnum a viro Græce intelligente possit; sitque a vulgari hominum etiam eruditorum opinione discedendum.

Quod ut demonstrem, duo in primis constituenda sunt, in quibus controversiæ hujus cardo vertitur: nimirum, Crucis Signum vidisse Constantinum; Signum vero hoc Crucis, minime fuisse a monogrammate, quod Christi nomen primis litterarum apicibus indicabat, sejunctum atque diversum.

Horum primum facile est, veterum testimoniis demonstrare. Nam Eusebius, qui ex Constantino ipso rem se audi-

visse narrat; L. 1. V. C. c. 28. illum scribit *Crucis tropaeum* (*σταυρὸν τρόπαιον*) in caelo ex luce conflatum soli superpositum vidisse. *Crucis signum* (τὸ τῷ σταυρῷ σημεῖον) nominat Philostorgius l. 1. n. 6. • Sozomenus l. 3. & Chronicon Alexandrinum p. 280 *edit. R. P.*, lucis columnam instar *Crucis* (*σῦλον φωτὸς σταυροειδῆ*). Auctor Politicæ SS. Metrophanis & Alexandri apud Photium *cod. 256.* apparuisse ait Constantino *figuram Crucis* (*φανέρωτος τῇ τύπῃ σταυρῷ* ; Socrates l. 1. 2. *lucis columnam instar Crucis* (*σῦλον φωτὸς σταυροειδῆ*) ; a Cedreno describitur *venerabilis Crux e luce* (*ὁ τίμιος σταυρὸς ἐκ φωτὸς*) ; a Zonara *figura Crucis* (*τύπος σταυρικὸς*) *per stellas*, quæ a Constantino visa est. Adversabimurne tanto Scriptorum consensui, vel antiquorum, vel qui sua solent ex antiquis decerpere & mutuari? Qui, si in adjunctis quibusdam inter se dissident, hoc magis, ex Criticorum regulis audiendi in rei summa sunt, quod sitis manifeste offendant, non antiquiorem unum aliquem scriptorum secutos esse omnes, sed ex pluribus veteribus monumentis, quasi fontibus, narrationem illam in libros suos corrivasse. Tantum abest, ut ex hac in minutis quibusdam rebus discordia (quæ minus attendi solent, & facile effluunt e memoria) rem ipsam dubiam facere debeamus; quod Gothofredus *ad Philost.* conatus est: aut cum Oiselio *ad Tab. 93.* Tollio *ad Laëtant.* atque aliis quibusdam, Constantini solertix (idest astutix & fraudi) ad inflammandos confirmandosque militum animos, assignare. Nec vero concedimus Samueli Basnagio *ad a. 312. n. 5.* Jo. Columbo *ad Laëtant.* ceterisque maxime heterodoxis hominibus, dormienti solum Constantino, non vigilanti, quod veteres id nonnulli taceant, Crucem aut monogramma objectum. Quid? Nonne refellemus eos quoque, qui ad naturales causas malunt visum hoc referre, & nescio quem halonem solarem comminiscuntur, cui sit hoc totum quod Constantinus vidit tribuendum? Miror & Fabricio viro docto id in mentem venire potuisse, & nactum esse qui ei consentirent Jo. Andream Schmidium, & Joannem Georgium Walchium. Quantum enim abhorret ab omni veri specie, ut cetera omittam omnia, Deum in somnis se Constantino monstrasse, utque in militaribus signis, ad obtinendam victoriam, halonem effingeret, præcepisse. Id enim Eusebius tradit, aliique Veterum, ex quibus duo hæc visa Constantino objecta, alterum vigilanti, dormien-

mienti alterum, distinguenda omnino esse dicimus: Sed nihil horum ad causam nostram facit; qui qualia demum fuerint, quæ antiqui scriptores & Constantinus ipse sibi visa esse dixit, dumtaxat quærimus: utrum vera dixerit, non quærimus? Et sunt etiam ab aliis satis fuscè ista refutata, hoc alterum a Scurz-Heischio, & Matthæo Jacutio; primum illud a Baluzio, & Jo. Christophoro Wolfio viro heterodoso *dissert. edita Wittelergæ an. 1706.*

His ergo præteritis quæ ad nos non spectant; venio ad alterum quod preposui; Crucem a Constantino visam, rem aliam & a monogrammate diversam non fuisse. Hoc eorumdem scriptorum quorum antea auctoritate usi sumus, testimonio conficitur. Nam ut Eusebium nunc omittamus, Socrates, Sozomenus, itemque Cedrenus, Zonaras, denique omnes qui in labaro & militaribus signis quid, Dei monitu, Constantinus representari mandaverit, narrant, nihil nisi Crucem nominant, *Hoc inductus oracula,* ait Socrates, *trophæum ad Crucis similitudinem construi jubet, quod etiamnum servatur in Palatio: deinceps vero majore fiducia animi rebus agendis incubuit.* Sozomenus, *in Crucis Signum transformatum labarum dicit.* Cedrenus, *auream Crucem, quæ etiamnum extat, tumultuario opere confectam præferri in pugnam jussit.* Zonaras; *statim igitur Cruce ex auro ad formam quam viderat facta, & exercitui suo præferri jussa, commisso prælio Maxentium vicit.* Ceteri quid labaro, quid signis militaribus insculperit, tacent. Omnes ergo qui rem narrant, Crucem, nec quicquam præterea nominant: quemadmodum, cum ostentum Constantino oblatum referebant, de Cruce sola loquebantur. Atqui monogramma quod primis nominis Christi litteris duabus constabat, & Constantinum vidisse, & in signa militaria retulisse atque exhibuisse, certissimum est. Hoc Eusebius l. 1. V. C. c. 30., hoc qui tum vivebat A. de mort. pers. diserte prodit; *Commonitus est,* ait hic scriptor n. 44., *in quiete Constantinus, ut celeste Signum Dei notaret in scutis, atque ita prælium committeret. Fecit, ut jussus est, & transversa X. littera, summo capite circumflexo, Christum in scutis notat.* Rursus igitur quæro, cur vel iste Crucem taceret, vel alii de Cruce sola narrant? Nonne hoc manifesto argumento est, nec Crucem a monogrammate aliud quicquam fuisse, & monogramma ipsum complexum esse Crucem? Nisi enim nos ipsi de ingenio nostro absque auctoritate ulla comminisci ali-

quid velimus, & arbitrio quemque suo rem constituere sinamus; expediri hoc nullo modo, quam quo diximus, unquam potest; Crucem & Christi monogramma, rem unam eandemque fuisse.

Atque hic quidem locus postularet, ut de Christi monogrammati multiplici genere, & plane diverso loqueremur. Sed & brevitate sequimur, & in vulgaribus libris proposita ea sunt; atque ut Gretserum & Lipsium in *libb. de Cruce* taceamus, a Baronio *l. all.*, a Bosio, Aringho, & Boldetto *l. 1. l. cap. 3.* & Cl. Bottario, Romæ subterraneæ scriptoribus omnibus; a Menckenio *Diff. 1. 1. l.* & Dominico Georgio *de Chr. monogr.* ab Equite Victorio *de numm. argent.*, Edmundo de Vitry *tumul. Clem. illustr.* Sebastiano Pauli *de paten.* Thoma Mamachio *to. 3. origin.* & nuper a Cl. Morisone *Inscript. Rhagin. X.* Dicemus hoc solum; ex illis genera esse præcipua duo; quæ uno eodemque in monumento conjuncta quandoque reperiuntur; ut in lapide cœmeterii Cyriacæ *ap. Boldet. pag. 352.* & in tumulo Sanctuli Subdiaconi apud Muratorium *Diff. 58. AA. med. æv.* Primum est vulgare, quod litteris Græcis dnabus, unde Christi Græcum nomen exordimur, constat, directe & consueta collocatione positus, sed una alteri inserta, idest P inter X brachia sic $\text{P}\chi$. Alterum vero litteris componitur iisdem, sed prima transverse posita, cujus etiam superius crus modice retortum litteram alteram efformat hoc modo $\text{P}\chi$. Nam hoc esse & duabus iisdem constare litteris hoc alterum monogramma, facile deprehendes, modo superius crus illud inflexeris, ut X litteræ suus locus & situs constet (quemadmodum positum reperitur in Christianis aliquibus monumentis, & apud Gretserum *lib. 1. l. cap. 46.*) hac ratione $\text{P}\chi$

Jam vero monogrammata hæc duo sumamus in manus: Quis in priori illo vulgari Crucem, oculis quantumcumque lynceis videat? Quis, si illud Constantino Ethnico tunc Imperatori ostensum est, dicat demonstratam esse Crucem, & si effictum in labaro, scutis, galea; sculptam effictamque Crucem audeat pronuntiare? Contra, quam pronum & facile est in altero Crucem agnoscere: & si commonstratum illud expressumque fuit; Crucem ostensam & repræsentatam affirmare?

Quod adeo verum est, ut qui vulgare monogramma adhiberent, & nihilominus Crucem inesse vellent; vel tranversa linea primam litteram secarent in modum Crucis, ut extant exempla apud Gretserum *l. 1. l. de S. Cruc. Tom. 1. cap. 38.* hoc pa-

paſto ✕ unde exiit aliud, haud infrequens monogrammatiſ genus ✕; vel effingerent diverſo quodam nec conſueto modo caput alterius litteræ, producta in ejus vertice recta linea, quæ Crucem quam vocant *commiſſam* (de qua fuſe Greſſerus & Lipſius) demonſtraret. Extat exemplum hujus in lucerna apud Menckenium alioſque, ubi ita efformatum monogramma cernitur ✕. Alii vero, quod ſibi, credo, in eo non ſatisfacerent, contenti fuere Cruce decuſata quam prior illa littera per ſe efficit, ad myſticas ſignificationes quaſdam (quoniam Chriſti Crucem non eſſe videbant) confugientes: in quibus eſt Paulinus ſcribens *Natal. xi. S. Felic. & Anecd. Murat. tom. i. pag. 42.* de Chriſto

*Qui Cruce diſpanſa per quattuor extrema mundi
Quattuor attingit diſenſum partibus Orbem,
Ut trahat ad vitam populos ex omnibus orit.*

Quamquam aliud quoque excogitavit Paulinus. Et quoniam ipſe quoque litteræ alterius verticem diducebat paullo longius ut Crucem, ſeu T litteram daret; litteras omnes ſex (nam quæ bis occurrit pro una habetur) quibus nomen Chriſti ideſt Græcæ XPICTOC, conſtat, in monogrammate vulgari adinvenit: ſic enim ille *ib.* poſtquam de prima littera locutus eſt, & P deſcripſit;

*Cujus apex & ſigma tenet, quod ruruſ, ad ipſam
Curvatum virgam, facit O, velut Orbe peractō.
Nam rigor obſtipuſ facit I, quod in Ellade jota eſt.
Tau idem ſtyluſ ipſe, brevi retro a cacumine ductuſ
Efficit, atque ita ſex, quibus omni nomine nomen
Ceſſuſ exprimitur, coeunt elementa ſub uno
Indice, & una tribuſ formatur littera virgiſ.*

Non fuiſſe hoc Paulini ſolius ſed veterum aliorum Chriſtianoꝝ quorundam, facile conjicio ex illorum monumentis quibuſdam, quorum unum habet Boldettuſ *pag. 345.*, alii alia: nam litteram alteram exhibent inverſo ſitu poſitam, quod non fuit artificum inſcientiæ aut imprudentiæ, ut exiſtimant, ſed myſterii. Deinde (quod videre poſſumus maxime in lucernis veteribuſ Chriſtianis apud Equitem Viſtorium, Georgium, Mammachium &c.) vertex litteræ alterius retro extenditur, & excurrit etiam inferior retorti verticis pars ultra rectam hæſtam hoc modo Ψ ut ſcilicet O & C ideſt ſigma iſdem ferme tractibuſ efformaretur. Vides quam ingeniouſi iſti fuerunt (quoniam Crux, quam palam de monſtrarent, per ſe non occurrebat) in illa unde

unde eruenda, atque extendenda. Nec mirum est, ex hac consuetudine, seu voluntate istius mysterii habendi, in alterum quoque genus monogrammatum quædam horum esse transducta. Atque hinc sunt Crucis formæ illæ duæ, quas nobis Paulinus descripsit, & quas attigerat antea breviter, præfatus v. 608.

..... ipsius instar
*Enarrabo Crucis, qualem & pictura biformem
 Pingere consuevit; baculo vel stante bicornem
 Vel per quinque tribus dispansam cornua virgæ*

ac deinde uberius

*Forma Crucis gemina specie componitur, & nunc
 Antennæ speciem navalis imagine meli;
 Sive notam Grecis solitam signare trecentos,
 Explicat existens, cum stipite figitur uno,
 Quaque cacumen habet transverso recte iungatur.*

Hæc prima Crucis forma: deinde de altera;

Nunc eadem Crux dissimili compacta parata

Eloquitur Dominum tanquam monogrammate Christum &c.
 de qua altera Crucis forma hoc etiam animadvertendum quod dixit, *dispansam* esse per quinque cornua: quod hasta alterius litteræ infra nexum superiorum crurium primæ non porrigeretur, quod nummi demonstrant apud Gretserum *lib. II. cap. 37. & 46.* ubi monogramma sic est conformatum X . Ceterum ex his formis monogrammatum duabus, prior illa veram litterarum formam figuramque corrumpit; hæc vero, præter hoc ipsum, ita avide atque sollicitè mysteria exquirat, arcessitque longissime, ut nescio, an repertura sit qui eam probet.

Redeo ad monogramma nostrum, quod crucem obicere ei qui oculos habeat, quivis fateatur. Esse vero sæculi Constantiniani, & Constantino æquale, constat. Nam, ut cetera taceamus; illud exhibet Constantini nummus apud Mediobarbum in *Const. Ducangium Tab. 3. Bandurium tom. 2. p. 250.* in cuius facie est Constantini caput cum corona ex lapillis, ac paludamento ad pectus, ubi litteræ CONSTANTINVS. MAX. AVG. in averſa parte, cum inscriptione VICTORIA. CONSTANTINI AVG. typus est victoriæ: dextrorsum in area P a sinistris XXII. in imo SMAN. sed plus esse etiam puto illud, quod supra posui Auctoris de mort. qui luculentissime de Constantino; *fecit ut jussus est, & transversa X littera, summo capite circumflexo, Christum*

(XV)

flum in scutis notat . Quid est summum caput litteræ X circumfle-
here ? non ne ita eam describere X . Atqui etiam transverse po-
ni debet : idest non consueto modo & suo , sed obliquo loca-
ri + . Hæc ita clara sunt , ut Gisbertus Cuperus non potuerit
ad hunc illius Scriptoris locum non fateri , id monogrammati
genus quod nos dicimus , ab eo Auctore designari .

Sed repugnat nobis Baronius *l. all. Gretserus tom. 1. lib. 11. de*
S. Cruce cap. 37. & cum his multi ; qui cum illud in animum
demiserint ; Constantinum duo invicem sejuncta vidisse , Cru-
cem , & monogramma ; horum primum vel summo labaro im-
ponunt , vel in labari ipsius forma quærunt . Est etiam Jacutius ,
qui aliud vigilanti Constantino objectum putat , idest Crucem ;
aliud dormienti , nimirum monogramma ; ne videlicet in laba-
ro Crucem requirere cogatur . Verum hæc facile veterum testi-
moniis superius prolatis refelluntur , qui & dormientem Con-
stantinum explicationem ejus quod vigilando viderat habuisse
narrant , & unicam rem semper nominant , Crucem . Quod ve-
ro ajunt Crucis figuram superimpositam labaro , hoc alterius la-
bari est ; quam Constantiniani . Nam diversis modis repræsen-
tari labarum , iisque a Constantiniano diversis , atque ejus varia-
tam esse figuram adnotavit ipse Baronius ad a. 312. n. 26. Cum
enim constet , Constantinianum labarum velum habuisse mono-
grammati quod intra coronam erat subjectum , & in velo Con-
stantini ejusdem & filiorum ejus effigies ; modo intra velum de-
pictum monogramma ipsum videmus , modo in velo eodem
Crucis figuram : atque ita sæpe a Constantiniani forma , labarum
in veteribus etiam monumentis recedit . Nos vero de Constan-
tiniano loquimur , quod secretam a monogrammate non ha-
buisse Crucem , vel inde constare debet ; quod non in eo solum ,
sed in scutis quoque jussus est Constantinus effingere quod vide-
rat . In scutis vero Crucem a monogrammate distinctam non
fuisse , apud omnes constat . Quo argumento refelluntur illi
quoque , quibus forma ipsa labari crucem repræsentat , cum ex
erecto stipite & ligno transverso Crux compacta sit , ut ait idem
Baronius .

Miror , si id fecisse dicunt , monitu cœlesti , ut Christi vir-
tute victorem se esse fateretur . Eratne hoc novum aliquid ? in-
sitatum , nec factum antea , ut victoriæ causâ ei certo constaret ?
Atqui jamdiu & labarum hoc modo fabrefactum erat , & Crucis ,
ut isti dicunt , effigiem , præferebat . Nolo hic de labari antiqui-
tate

tate differere; & cum doctissimo Ducangio *differt. de infer. av. num. 14.* inquirere, an Romanorum proprium vexillum fuerit, an vero illud ii a nationibus barbaris acceperint; quod postremum existimare prorsus licere, idem affirmat: modo constat, multo esse Constantino antiquius. Id vero, si cetera deessent: docere possunt veteres nummi Augusti, Tiberii, Vitellii, Titi, Domitiani apud Augustinum, Rubenium, ceterosque horum monumentorum peritos indagatores; & Columnæ Trajanæ effigies, ubi vel purum invenitur velum, vel cum Deorum imaginibus depictis, vel cum superposita victoriæ effigie. Quod vero antennis illis duabus altera recta, transversa altera, Crucis qualemcumque imaginem præferret; hoc vero animadversum jamdiu fuerat ante Constantinum: unde Justini illud *Apol. 1. n. 59.* de Cruce; *Hujus etiam figura vim declarant vexillorum apud vos, & tropæorum signa, quibuscum semper in publicum proceditis. Minutii etiam Felicis in Orlav. Nam & signa ipsa, & cantabra, & vexilla castrorum, quid aliud quam inaurata Cruces sunt, & ornata?* Nec multo aliter Tertullianus in *Apol. c. 16.* *Religio tota Castrensium signa veneratur, signa jurat, signa omnibus Diis præponit. Omnes illi imaginum suggestus in signis monilia Crucium sunt. Sphæra illa vexillorum & Cantabrorum, stola Crucium sunt. Nihil ergo erat, ut de Cruce labaro imponenda moneretur Constantinus, si per se labarum Crucem præferbat; nec oportebat ipsum artifices, ut id facerent, summa cura & diligentia, quemadmodum Eusebius narrat, erudire; vicisset etiam eo signo, quod Ethnici Imperatores omnes bellum gessissent, atque arma hostibus intulissent: otiosi vero essent historici omnes, qui Crucem ab eo visam, aut de ea signis militaribus imponenda monitum retulerunt. Non igitur hæc Crux illa qua munivit labarum Constantinus.*

Imposuit nimirum viris hisce eruditis Eusebius, cum labarum describens, hastam fuisse dicit longiorem transversam habens antennam (*cornu κερὰς ille vocat*) *instar crucis σταυρὸς χηρύκας*. Sed Eusebius, cum Veteribus illis quos modo nominavimus, Crucem ubique inculcans, nondum de ea Cruce dicit quam & ipse vidit, & labaro exprimere jubebatur Constantinus, quæ postea in ejus narratione sequitur, cum monogramma declaratur. Itaque nemo veterum (si Nicephorum Callixti recentiorem multo Auctorem, & qui Eusebium ferme describit, excipias) hoc dixit, aut Crucis in Constantiniano labaro istam
simi-

(XVII)

similitudinem adnotavit . Nec vero Eusebium ipsum de visa & expressa a Constantino Cruce , hoc esse accipiendum , ex eo patet , quod subdit postea , *sub ipso Crucis signo ad ipsam veli variis coloribus depicti summam aureas Constantini , & liberorum ejus imagines depictas extitisse* . Nam cum imagines istæ ex transverso illo cornu dependerent , non potuere *sub Crucis tropæo* (ὑπὸ τοῦ τῆς σταυροῦ τροπαίου) esse positæ , si cornu ipsum cum inferiori hasta & labari parte Crucem referebat . Sed piget in hac re , quæ mihi quidem manifesta satis esse videtur , diutius immorari , & ad monogrammati ipsius formam redeundum est .

Non esse , quale vulgo putant monogramma constatum ex duabus illis litteris in directum positis , & una alteri inserta , constare omnino debet , ex ipsa Constantiniani monogrammati novitate , seu raritate & infrequentia . Nam Eusebius quidem Constantinum , ut id exprimendum curaret admonitum , nobis describit medium inter artifices sedentem , edocentemque qua illos ratione effingere monogramma ipsum oporteret , ac voce & veluti manu præeuntem , eosque huc illuc deducentem , ne errarent . Quid hæc Constantini tanta cura & sollicitudo significat ? nonne inusitatum aliquid , infrequens , aut etiam nemini visum , & ignotum omnibus ? Atqui monogrammate ex duabus litteris illis eo ut diximus modo composito nihil eo etiam tempore notius , nihil usitatus , nihil quod magis esset vulgo cognitum . Si enim de forma ipsa loquamur , a Grammaticis , Rhetoribus , Poetis passim adhibitam antiquis temporibus invenimus . Quod enim nunc viri fortes & industrii faciunt , ut si inter legendum occurrat aliquid , quod præclare dictum putant , & vel sibi memoria retinendum & in scripta referendum putant , vel alios de eo , ne forte imprudentes trascurrant , admonitos esse volunt , ut notam aliquam margini per litteras vel aliò quocumque modo appingant ; hoc certis aliquot notis & vulgo cognitis veteres faciebant : inter quas notas una erat hujusce monogrammati ipsa forma , qua illa esse *Χρῆσ'α* seu *Χρησ'α* idest *bona* aut *utilia* significabant . Hanc ergo ista figura * apud Isidorum *lib. 1. origin. c. 20.* pictam invenies : hanc eandem in fragmento quodam ab A. Chronici Gotvvicensis representatam

Diog. quam explicat nomine *Χρισμοθεών* : hanc apud alios : Fuisse vero notam & pervulgatam Constantini ætate , colligo ex libris *iv.* *Χρισμοθεών* ab Helladio Byzantino scriptis, quos Photius memorat *cod. 279.* & in Græcarum antiquitatum Thesaurum suum *tom. 10.* transtulit Gronovius . Nam Helladium vixisse tempore Licinii & Maximiani , tradit Meursius ; & necesse est ante eum illa jam fuisse pervulgata . Adde Procli , discipuli Plutarchi *Χρισμοθέων γραμματικὴν* , quam nobis servavit Photius *cod. 239.* Adde excerpta Strabonis *Geographiæ* , quæ appellantur *Χρισμοθέων ἐκ τῶν Στραβωνος γεωγραφικῶν* . Nec verebor de Ptolomæorum nummis hac nota inugnis dicere , etsi sunt qui reperiri ullum negant aut dubitant . Nam video scribere experientissimum harum rerum Edmundum de Vitry *Clem. tum. illustr. pag. 16.* Idem hoc signum etiam ante Christi tempora fuit adhibitum in monumentis veteribus adea verba significanda quæ primas litteras Græcas habent *X. & P.* Sane in uno qui penes me est Ptolomæorum *Ægypti Regis* nummo moduli maximi videtur id , quod & Gretzerus vidisse se testatur in uno ex Bibliotheca Ingolstadiensis Academia , quodque in altero viderat Abrahamus Ortelius , nimirum inter duos Aquila pedes expressum idem monogramma *✠* . Quid nota hæc valeat hoc loco , nihil nostra refert , qui figuram ipsam tantummodo nunc volumus ; satisque eruditorum sententias exposuit cum laudatus Vitry , tum Laurentius Pignorius *epist. symbolic. lib. 1. epist. 24.* & Gretzerus quoque *lib. 11. de S. Græc. cap. 38.*

Quod si non de hujus monogrammati figura dumtaxat loquamur , sed significatione ipsa , qua Christi nomen indicaretur : notissimum fuisse ipsum , & Christi nomen signo illo designatum ante Constantinum , negari omnino non potest . Negarunt id quidem eruditi Scriptores ephemeridum Florentinarum *tom. 2. part. 2. a. 4. p. 127.* inscriptiones quatuor hoc monogrammate insignitas , quæ veluti Constantino antiquiores afferebantur , in subleste fidei suspicionem adducentes . At his sepositis , quid dicimus ad fragmenta vitrea sex , ex paucissimis quæ in cœmeteriis inventa sunt , & vulgare monogramma inscriptum habent apud Cl. Bonarota ? Quid ad inscriptiones quamplurimas inventas in cœmeteriis , in quibus pariter monogramma hac significatione invenitur ? Ego sane in uno Boldetto , & Boldetti operis unico capite quod est libri *11. 3.* numeravi plusquam *x2.* Martyribus vero multæ cum apud ipsum Bol-

(XIX)

Boldettum tum apud alios appositæ fuere . Illo enim loco Boldettiani operis monogramma vulgare una cum vase sanguinis appositum vidi sepulchris xii. in quorum aliquo geminum est . xii. vero alia toto opere dispersa ; quod opus, monumenta suo tempore detecta, & cum illo Sacrarum Reliquiarum Custodis munere fungeretur, ferme continet ; ita ut necesse sit multo plura inveniri . Atqui ut Cl. Bonarota in *Præf. pag. xiii.* adnotavit , incredibile omnino est , hominum fuisse omnium, qui in Juliani persecutione , quæ unica post Constantinum Romæ adeo afflixit Christianos , defuncti sint ; præsertim cum in ea, morte paucissimi mulctati legantur , sed durioribus ipsa morte modis afflicti atque vexati . Ex quibus omnibus facile est intelligere , si novum aliquid artificibus Romæ Constantinus , minus usitatum , nec illis cognitum sculpendum mandavit , ita ut eo docente & demonstrante quale esset , indigerent , de alio quam de vulgari monogrammate actum esse ; nimirum, ut cetera etiam argumenta docent, nostro .

Nostrium enim ante Constantinum in usu fuisse probari non potest ; ita pauca occurrunt exempla , quorum etiam si aliquod Constantino antiquius fuit , potuit facile ignorari . Sed nullum revera demonstrari posse ante Constantinum extitisse , confidenter affirmo . Unicum assert exemplum Baronius in monumento Marciani pueri , defuncti Arbitione & Lolliano Cos. qui est annus 355. Quatuor dumtaxat protulit Boldettus *l. all. sepulchris* apposita , in quibus unus est Martyr : in duobus etiam *pag. 351. 352.* nullum est nomen hominis ; nomen est unius *Sacerates* ; quod postremum exemplum attulit etiam Lupus *in epit. Sev.* Quam pronom est , si sæviante persecutione tumultatos velis , assignare & credere Juliani persecutionem fuisse ? Cetera exempla monogrammatibus hujus quæ apud alios occurrunt est. viros Georgium, Vi storium , Mamachium &c. extra cœmeteria inventa sunt , & facile ea Constantiniano tempore posterioribus assignabis ; ex quibus est unum insigne apud Illustriss. Præfulem Stephanum Borgia in æreo parvulo simulacro feminae dextera monogramma hoc præferentis , sinistram , ut mihi quidem visum est , anonariam tabulam in qua feminae descriptæ essent viduæ seu virgines ab Ecclesia nutriendæ : diaconissæ enim simulacrum esse

verba *Inscript. famil. pag. 563. Crucem hanc rectam loco decussatæ sapissime visam asserit Job. Burchardus Menchenius in erudita Dissertatione de monogrammate Christi; at in nostris raro admodum reperies, nec nisi litteris A & a comitantibus, semelque addita etiam Cruce decussata. Nec vero cise aliquem arbitror, qui ut antiquius esse Constantiniano ævo monogramma hoc nostrum probet, Ægyptiacæ Crucis cui orbiculus quidam superponitur, obijciat. Nec enim forma & figura cum monogrammate Christi convenit, multo autem minus significatione; de qua præter Kircherum de obel. Pampbil. lib. iv. pag. 364., & Oedip. Ægypt. tom. 2. part. 2. p. 399. Paulus Ernestus Jablonski Pantb. Ægypt. part. 1. lib. 2. c. 7.*

Est tamen quod hic monitos omnes volo; non ita me defendere Constantinianum monogramma fuisse istud minus aut nunquam ante Constantinum usitatum; ut negem, Constantiniano ævo, & a Constantino ipso quandoque adhibitum; frequentatum etiam alterum vulgare, & communi usu tritissimum. Hoc labaro superpositum, & in galea ipsa Constantini effictum, Baronius, prolatis veteribus ipsius nummis, docet; quorum nummorum priore exhibet etiam Ducangius *Tab. 111. fam. Byz.* utrumque vero Bandurius commemorat *pag. 273. 289. 300.* Difficile quidem est, quod nam sit in hisce nummis expressum monogrammatæ genus, propter figuræ tenuitatem, internoscere. Sit tamen vulgare: nam in Constantii filii Constantini nummis perspicue istud apparet; item in Magnentii; & Decentii, apud eosdem, nummis aliis. Non id causæ nostræ nocet. Nam de monogrammate quod Constantinus primum vidit, & signis militaribus imposuit quando erat adversus Maxentium pugnaturus, quæstio nostra vertitur; non vero de monogrammate quo usus sit postea, & reliquis suæ vitæ annis. Nam facile credo adhibuisse aliud quoque, cum vulgo adhiberi, & adhibitum multo antea cognovisset, ne consuetudinem illam improbare videretur, aut velle evertere. Est enim consuetudo, cuius magna vis est & auctoritas, si proba sit, fovenda & confirmanda. Atque habebat illa consuetudo, rationem sane probabilem, quod primis litteris distinctius & enucleatius positis, magis perspicue Christi nomen designabatur; Crucis vero imago seorsum, & per se ipsa dudum a Christianis proponebatur & colebatur. Atque idem etiam factum in nummis videmus. Nam ita eorum quosdam Constantinianos exponit Bandurius *pag. 289.* ut caput Constantini *Crucem* habeat, & *Christi monogramma in galea.* In num.

(XXI)

nummis Constantini junioris sunt plures, in quibus milites duo signum militare tenent: est autem inter utrumque signum Crux perspicue posita. Ceterum cum vulgare monogramma expressit, consuetudinem pervulgatam & ipso antiquiorem secutum esse Constantinum, ex eo perspicere facile possumus, quod monogramma hoc positum reperitur, adjectis mysticis illis litteris A & Ω quas adjungi ei solere ante Constantinum, nummi lapidesque testantur. In labaro vero cui vulgare monogramma superimpositum est, ipsum non esse quale primo constructum est a Constantino, facile intelligimus ex eo quod serpentem habet in ima hasta; quod corona deest, quæ monogramma contineat; quod in velo tres sunt globuli, non principum imagines, aliaque a priore valde dissimilia. Quapropter & in monogrammate effigendo, & in construendo labaro quod nummis his representatur, a prima qua usus est forma Constantinus recessit, ut qualis illa fuerit, ex hac posteriori estimari nequaquam possit, aut debeat. Atque idem dico de Joviani, Valentis, aliorumque Imperatorum qui secuti sunt nummis, præsertim cum sublatum de medio labarum & monogramma a Juliano, a Christianis Imperatoribus restitutum est: ita enim restituendum putarunt, ut magis etiam nomen Christi, & Crux (quæ ille oderat) perspicue omnium oculis appareret. Atque hinc, in nummis Joviani & Valentis quos Baronius protulit, intra velum vel Crucem, vel monogramma intuemur. Sicuti ergo in labaro discessum est ab illa priori forma quam Eusebius describit, ita in monogrammate Christi idem esse factum, arbitrari jure possumus.

Atque ex his vulgaris monogrammatis frequentioribus hoc sæculo exemplis, credo aditum datum esse communi opinioni; hoc esse, quod primum Dei monitu Constantinus in labaro vel scutis, aut etiam in galea posuit: cum tamen diserte de galea præsertim Prudentius significet, Crucem, hoc est monogramma nostrum, in ea fuisse: sic enim ille *lib. 1. adv. Symmachi, vers. 488.*

*Christus purpuream gemmanti textus in auro
Signabat labarum, Clypeorum insignia Christus*

tabat, in labaro, & monogrammate describendo versatur, hoc effecit, ut vel nihil plane, vel quod minus est rectum probumque intelligeremus; quemadmodum initio disquisitionis hujus dicebamus. Sic enim rem describit, ut esset *in longioris basæ summitate corona affixa, gemmis & auro ornata; atque in ea salutis appellationis signum; duæ videlicet litteræ nomen Christi primis apicibus designantes*, *Χριστοῦ τὸ ρ κατὰ τὸ μυστικόν*: quæ Græca verba ita latine vertit Christophorus; erat littera *p* in ipso medio littera *χ* curiose & subtiliter inserta: quam versionem miror Cll. viros Boldettum & Sebastianum Pauli esse secutos; immo etiam ita reddidisse Gretserum *l. II. de S. Cruc. c. 37.* Nam hoc est, non auctoris sensa explicare, sed rem componere arbitrato suo. Valesius interpretatur; littera *p* in medio sui decussata. Bene, si quid sit litteram hanc decussare intelligere plane possemus. Sed & multiplex est latini hujus verbi significatio, de qua Gulielmus Budæus *de asse sub init.*, & Bernardinus Baldus *de Vitruvianorum verborum significatione*; & ex illis nulla in litteram uno apice seu ductu constantem convenire videtur. De verbo autem Græco *χιάζεν* idem dicas. Est enim illud primo Musicorum. Quamobrem Hesychius & Phavorinus *χιάζεν* explicant *συνχιάζεν*; idest, docente Polluce *l. IV. v. 9. n. 65. elaboratis carminibus uti a Democrito Chio, & Philoxeno Siphnio*. Atque hinc apud Suidam illud ex deperdito quodam Aristophanis loco, *ἐν ἀρμονίᾳ χιάζων ἢ συνχιάζων*. Est Monetarioꝝ vox. Nam Athenienses, quod Chios odissent, quicquid probæ monetæ non erat, quasi esset Chiorum, prima eorum nominis littera notabant, dicebantque *χιάζεν*: de qua re & Eustathius *ad Odyss. II. v. 170. pag. 1462. edit. Rom.* & alii veteres Grammatici; a quo more translatum est etiam idem verbum ad versus qui spurii erant indicandos. Est Medicorum; & Aretæus *lib. 1. de morb. diut. c. 7. pag. 34. edit. 1731.* *χιασμὸν* nominat, cum nervi ad oppositas partes in decursu se transferunt; & quæ erant *ἐν διεξίᾳσι*, fiunt *τὰ ἀπείρεα*, & contra; quemadmodum loquitur Hippocrates *lib. VII. Epidem* a quo sua desumere solet Aretæus. Est Rhetorum; & apud Hermodenem *lib. IV. de Inv. cap. 3.* *χιασθῆναι* dicitur de quadrimembri periodo, cujus partes certo quodam modo sibi respondent. Adde alia, non enim vacat omnia huc traducere, quæ ad litteram, ut dixi, crus unum habentem non duplex, aptari

(X X I I I)

minime posse videntur . Græcorum vero proverbium (de quo Eustathius *L. all.* & Schottus in *proverb. metric.* 1182.) *χιάζει* τίλλειν quid sit , quid hic valere possit , equidem non satis intelligo . Acceperunt tamen verbum illud viri docti eo sensu , ut sit *χιάζειν* litteram Græcam X appingere ; Atheniensium morem de quo diximus , inculcantes , ut sit *χιάζειν* , τὸ ρ litteræ affingere alteram χ . Sed non arbitror cogitasse adeo subtiliter Eusebium . Quare olim malebam pro *χιαζομένους* legere *χιζομένους* quod rem planam apertamque faceret , & sententiam nouam mire confirmaret ; nihil enim aliud valeret , quam litteram P transversa linea , qua Crux fieret , dissectam esse . Nunc vereor sine librorum veterum auctoritate mutare aliquid , præsertim cum Nicephorus in Eusebio vulgato modo legisse videatur . Adjuvat tamen Nicephorus idem , qui cum Eusebii verba ipsa describere consueverit , ab eo nunc recedit ; nec litteram X Græcam nominat , sed corona quæ monogramma continebat , dicitur ab eo *συρίλλων τὸ P χιαζόμενον* idest , ut ego interpretor , intra se P dissectum habuisse . Et hoc quidem dum cogito , succurrit mihi Justinus *Apol.* 1. n. 20. qui explicans Platonis locum in *Timæo* de mundi anima *εχίασεν αὐτὸν ἐν τῷ παντί* volensque a Mose esse mutuatum , profert serpentem æneum illum longiori ligno impositum , quod nimirum Iustus a Deo sit ποιῆσαι τύπον σταυροῦ *Crucis figuram construere* : ergo hoc ex Græco isto antiquissimo Scriptore valet *χιαζεσθαι* , esse in figuram Crucis compositum , adeoque erit alterius Ecclesiastici Scriptoris Eusebii *χιαζόμενος τὸ P κατὰ τὸ μεταίτατον* , P per medium in Crucis figuram dissecta . Nunc non omnino Valefiana interpretatio displicet ; siquidem & Baldus admonuit quod Latini decussare , Græci *χιάζειν* , nostri a Cruce ducto verbo dicunt , „ incrociare „ : & Budæus ex loco Ciceronis de univers. Decussare proprie per medium secare significat .

FINIS :

IMPRIMATUR

Si videbitur Reverendissimo Patri Magistro Sacri Palatii
Apostolici

P. A. Silva Locumtenens, Et Pro-Vic efg.

IMPRIMATUR

Fr. Thomas Augustinus Ricchinius Ordinis Prædicator.
Sac. Pal. Apost. Mag.

VA1
1515463